

Sanela Klarić

Zastupnica u Predstavničkom domu Parlamenta Federacije BiH

Vibor Handžić

Delegat u Domu naroda Parlamenta Federacije Bosne i Hercegovine

PRIJEDLOG

**ZAKON O IZMJENI I DOPUNI ZAKONA O NOVČANIM PODRŠKAMA U
POLJOPRIVREDI I RURALNOM RAZVOJU**

Sarajevo, april 2021. godine

ZAKON
O IZMJENI I DOPUNI ZAKONA O NOVČANIM PODRŠKAMA U
POLJOPRIVREDI I RURALNOM RAZVOJU

Član 1.

U Zakonu o novčanim podrškama u poljoprivredi i ruralnom razvoju („Službene novine Federacije BiH“, br. 42/10 i 99/19) vrši se sljedeća izmjena i dopuna:

Član 49. mijenja se i glasi :

„Član 49.

Klijenti koji počine prekršaj iz člana 23. ovog zakona, dužan je vratiti novčana sredstva dobivena na osnovu netačnih podataka i/ili ako dobivena sredstva nenamjenski utroši zajedno sa zateznim kamatama u visini koja je zakonom propisana u roku od 30 dana od dana donošenja rješenja kojim je utvrđeno postojanje netačnih podataka ili nenamjensko trošenje dobivenih novčanih sredstava.

Klijenti iz stava 1. ovog člana mogu podnijeti novi zahtjev za sticanje prava iz stava 1. člana 23. ovog zakona po isteku tri godine računajući od dana povrata novčanih sredstava uključujući zakonske zatezne kamate u cjelini, a na osnovu rješenja kojim je federalni ministar poljoprivrede ili poljoprivredni inspektor naredio klijentu prava povrat sredstava.

Federalno ministarstvo poljoprivrede izdaje rješenje o zabrani apliciranja nakon što rješenje o povratu sredstava postane izvršno.“.

Član 2.

U članu 27. u stavu (5) briše se tačka i dodaju riječi:

„ koje rješenjem odlučuje o odobravanju i isplati novčanih podrški.“.

Član 3.

Ovaj zakon stupa na snagu osmog dana od dana objavljivanja u Službenim novinama Federacije BiH.

I. – USTAVNI OSNOV

Ustavni osnov za donošenje ovog zakona sadržan je u odredbama člana IV.A.5.20.d Ustava Federacije Bosne i Hercegovine.

II. – RAZLOZI ZA DONOŠENJE ZAKONA

Zbog neusklađenosti Zakona o novčanim podrškama u poljoprivredi i ruralnom razvoju („Službene novine Federacije BiH“, br. 42/10 i 99/19) i Zakonom o poljoprivredi („Službene novine Federacije BiH“, br. 88/07, 4/10 i 7/13) Ministarstvo za poljoprivredu, vodoprivredu i šumarstvo se dovodi u dilemu po kojem propisu da postupi u praksi. Naime, po sadašnjem članu 49. Zakona o novčanim podrškama u poljoprivredi i ruralnom razvoju klijent koji počini prekršaj iz člana 23. ovog Zakona gubi pravo na ostvarivanje novčane podrške za period od tri godine, računajući od dana dostave pravosnažnog rješenja. Ovako definisana odredba u praksi znači da se zabrana izdaje tek nakon pravosnažnog rješenja što može biti i za više godina u kojima klijent koji je napravio prekršaj stalno aplicira i dobija sredstva, što se u praksi i dešava. Sa druge strane odredba člana 29. Zakona o poljoprivredi predviđa da se odmah donosi rješenje o zabrani i na ovaj način se znatno bolje štiti javni interes. Pored ovoga usklađivanja, jasno se precizira da Ministarstvo poljoprivrede, vodoprivrede i šumarstva o zahtjevima koji su obrađeni u kantonalnim ministarstvima i poslati na isplatu Federalnom ministarstvu poljoprivrede, vodoprivrede i šumarstva isplaćuju rješenjima. Sadašnja praksa je da se to radi putem naloga za isplatu što se krši sa Zakonom o upravnom postupku. Na ovaj način bi se klijenti obavještavali o isplati i mogli bi tražiti svoja prava, ukoliko su im po nekom osnovu povrijeđena.

III. – OBRAZLOŽENJE PREDLOŽENIH MJERA

Članom 1. se vrši usklađivanje odredaba Zakona o novčanim podrškama u poljoprivredi i ruralnom razvoju („Službene novine Federacije BiH“, br. 42/10 i 99/19) sa krovnim „lex generalis“ Zakonom o poljoprivredi („Službene novine Federacije BiH“, br. 88/07, 4/10 i 7/13).

Članom 2. se precizira obaveza Federalnog ministarstva poljoprivrede da izda Rješenje kojim odlučuje o odobravanju i isplati novčanih podrški.

Članom 3. je precizirano da zakon stupa na snagu osmog dana od dana objavljivanja u „Službenim novinama Federacije BiH“.

IV. – POTREBNA FINANSIJSKA SREDSTVA ZA PROVOĐENJE ZAKONA

Za provođenje Zakona o izmjeni i dopuni zakona o novčanim podrškama u poljoprivredi i ruralnom razvoju („Službene novine Federacije BiH“, br. 42/10 i 99/19) nisu potrebna dodatna sredstva. Štaviše, ovim zakonom bi se značajno spriječile zloupotrebe milionskih sredstava koja se svake godine dodjele putem poticaja.